

BOSNA I HERCEGOVINA
BRČKO DISTRIKT BiH
OSNOVNI SUD BRČKO DISTRIKTA BiH
Broj: 96 0 K 156728 23 K
Brčko, 19.01.2024. godine

U IME BRČKO DISTRIKTA BOSNE I HERCEGOVINE !

Osnovni sud Brčko distrikta BiH, sudija Ević Sanja uz sudjelovanje zapisničara Niketić Milice, u krivičnom predmetu protiv optuženog D.L., zbog produženog krivičnog djela – Teška krađa – iz člana 281. stav 3. u vezi sa članom 55. Krivičnog zakona Brčko distrikta BiH, na javnom pretresu za izricanje krivično-pravne sankcije održanom dana 19.01.2024. godine u prisustvu tužioca Jovanović Dejana i optuženog D.L., donio je i javno objavio

P R E S U D U

Optuženi:

D.L., zv. „L.“ sin S. i majke K., rođene ., rođen ... u B., nastanjen u G. Z., zaseok B., po narodnosti..., državljanin, pismen, završio osnovnu školu, neoženjen, bez djece, po zaimanju radnik, lošeg imovnog stanja, vojsku nije služio, ne vodi se u vojnoj evidenciji, lošeg imovnog stanja, JMB:..., **osuđivan: 1.**) Kaznom zatvora u trajanju od 5 mjeseci, uslovno na 2 godine pravosnažna 31.08.2001. godine od Osnovnog suda Brčko distrikta BiH, za izvršeno krivično djelo iz člana 287. stav 1. KZ BD BIH, **2)** Kaznom zatvora u trajanju od 2 mjeseca, pravosnažna 28.02.2002. godine od Osnovnog suda Brčko distrikta BiH, za izvršeno krivično djelo iz člana 274. stav 1. tačka 1. u vezi sa članom 23. KZ FBiH, dana 20.05.2002. godine izdržao kaznu zatvora u trajanju od 2 mjeseca u KPZ Tuzla,

K R I V J E

ŠTO JE:

Tačno neutvrđenog dana a u vremenskom periodu od 25.12.2022 godine do 30.01.2023. godine, u mjestu G.Z., zaseok P. ,B. d.,nalazeći se u stanju smanjene sposobnosti da shvati značaj svoga djela i bitno smanjenje sposobnosti da upravlja svojim postupcima, došao do porodične kuće vlasništvo P. R., svjestan da stvari koje se nalaze u kući pripadaju vlasniku iste i da će njihovim prisvajanjem pribaviti sebi protivpravnu imovinsku korist što je i htio ,podesnim predmetom izvršio razbijanje krila prozora od kuće, ušao u unutrašnjost kuće, te iz frižidera uzeo i prisvojio PVC bocu u kojoj se nalazila rakija u količini od 1,5 litara te popio 0.5 litra viskija, i 0.5 votke,te se udaljio u nepoznatom pravcu

2. Tačno neutvrđenog dana a u vremenskom periodu od 25.12.2022 godine do 31.01.2023. godine u mjestu G. Z., naselje Š., nalazeći se u stanju smanjene sposobnosti da shvati značaj svoga djela i bitno smanjenje sposobnosti da upravlja svojim postupcima došao do porodične kuće vlasništvo Z. I., svjestan da stvari koje se nalaze u kući pripadaju vlasniku iste i da će njihovim prisvajanjem pribaviti sebi protivpravnu imovinsku korist, što je i htio, podesnim predmetom izvršio razbijanje krila prozora od kuće, ušao u unutrašnjost iste gdje je pronašao i popio više litara alkoholnog pića (bocu rakije , bocu jegera i bocu vina) , te konzumirao hranu koju je našao u kući, nakon čega se udaljio u nepoznatom pravcu

3. Tačno neutvrđenog dana, a u vremenskom periodu od 25.12.2022 godine do 10.02.2023. godine u mjestu G. Z. , naselje Š., nalazeći se u stanju smanjene sposobnosti da shvati značaj svoga djela i bitno smanjenje sposobnosti da upravlja svojim postupcima, došao do kuće vlasništvo M.I., svjestan da stvari koje se nalaze u kući pripadaju vlasniku iste i da će njihovim prisvajanjem pribaviti sebi protivpravnu imovinsku korist, što je i htio te upotrebom fizičke snage i podesnog alata izvršio nasilan ulazak u kuću, gdje je izvršio premetačinu stvar, kojom prilikom nije ništa uzeo, nakon čega se udaljio u nepoznatom pravcu

4. Tačno neutvrđenog dana, a u vremenskom periodu od 25.12.2022 godine do 12.02.2023. godine u B. u mjestu Š. , nalazeći se u stanju smanjene sposobnosti da shvati značaj svoga djela i bitno smanjenje sposobnosti da upravlja svojim postupcima, došao do kuće vlasništvo S.Z., svjestan da stvari koje se nalaze u kući pripadaju vlasniku iste i da će njihovim prisvajanjem pribaviti sebi protivpravnu imovinsku korist, što je i htio, upotrebom fizičke snage i podesnog alata izvršio podvaljivanje kroz prozor kupatila, pa kroz isti ušao u unutrašnjost, izvršio premetačinu stvari gdje je uzeo i prisvojio 12 litara rakije, nakon čega se udaljio u nepoznatom pravcu

5. Dana 16.02.2023. godine, u mjestu G. Z, nalazeći se u stanju smanjene sposobnosti da shvati značaj svoga djela i bitno smanjenje sposobnosti da upravlja svojim postupcima, došao do kuće vlasništvo Z.S., svjestan da stvari koje se nalaze u kući pripadaju vlasniku iste i da će njihovim prisvajanjem pribaviti sebi protivpravnu imovinsku korist, što je i htio, upotrebom fizičke snage i podesnog predmeta razbio staklo na prozoru kuće, ušao u unutrašnjost, gdje je pronašao i oduzeo sa stola jedan servis sa rakijom i nekoliko konzervi hrane iz frižidera, nakon čega se udaljio u nepoznatom pravcu

čime je počinio produženo krivično djelo - Teška krađa - iz člana 281. stav 3. u vezi sa članom 55. Krivičnog zakona Brčko distrikta BiH , pa mu sud na osnovu citiranih propisa, te primjenom članova 42., 43., 49., 60., 61. i 62. citiranog Zakona, izriče

USLOVNU OSUDU

Optuženom D.L. utvrđuje se kazna zatvora od 3 (tri) mjeseca, koja se neće izvršiti ukoliko optuženi u roku od 3 (tri) godine ne počini drugo krivično djelo i podvrgne se obaveznom liječenju od zavisnosti.

Optuženom se na osnovu člana 75. Krivičnog zakona Brčko distrikta BiH, izriče mjera bezbjednosti obavezno liječenje od zavisnosti, koje će trajati dok ne prestanu razlozi zbog kojih je izrečena, a najduže do isteka vremena provjeravanja uz uslovnu osudu.

Optuženi se oslobađa plaćanja troškova krivičnog postupka.

Oštećeni: F.R., Z.I., I.M. i S.Z. se sa imovinsko-pravnim zahtjevom u cijelosti upućuju na parnicu.

Obrazloženje

Tužilaštvo Brčko distrikta BiH podnijelo je ovom sudu Optužnicu broj: ... od godine protiv D.L., stavljajući mu na teret da je počinio produženo krivično djelo – Teška krađa - iz člana 281. stav 3.u vezi sa članom 55. Krivičnog zakona Brčko distrikta BiH.

Navedena Optužnica je potvrđena dana godine.

Na prethodnom saslušanju održanom dana godine optuženi D.L. izjavio je da priznaje izvršenje krivičnog djela koje mu je Optužnicom stavljeno na teret.

Sud je nakon toga na nesumnjiv način utvrdio da je optuženi izjavu o priznanju krivice dao dobrovoljno, svjesno i sa razumijevanjem, odnosno da je upoznat sa sadržajem Optužnice, te o mogućim posljedicama plaćanja troškova krivičnog postupka, kao i da se izjavom o priznanju krivice odriče prava na suđenje.

Pored toga sud je utvrdio da postoji dovoljno dokaza o krivici optuženog, nakon što je izvršen uvid u dokaze koje je predočio tužilac i to:

1. Službenu zabilješku Policije Brčko distrikta BiH broja 14.09-04.2-7964/23-26 od 30.01.2023. godine,
2. Službenu zabilješku Policije Brčko distrikta BiH broj 14.01-04.12-7973/23 od 31.01.2023. godine,
3. Zapisnik Policije Brčko distrikta BiH o uviđaju broj 14.02.1-04.2—14009/23 od 31. januara 2023. godine,
4. Izvještaj sa fotodokumentacijom o forenzičkom pregledu lica mjesta Policije Brčko distrikta BiH broj 14.02.6-04.4-8247/23 od 31.01.2023. godine,
5. Naredbu Policije Brčko distrikta BiH za depozit broj 14.02.6-04.4-9889/23 od 06.02.2023. godine,

6. Službenu zabilješku Policije Brčko distrikta BiH broj 14.02.6-04.4-9890/23 od 06.02.2023. godine,
7. Zapisnik Policije Brčko distrikta BiH o saslušanju svjedoka A.P. broj 14.02.1-04.2-10228/23 od 07.02.2023. godine,
8. Zapisnik Policije Brčko distrikta BiH o saslušanju svjedoka I.Z. broj 14.02.1-04.2-10882/23 od 09.02.2023. godine,
9. Zapisnik Policije Brčko distrikta BiH o saslušanju svjedoka K.P. broj 14.02.1-04.2-11353/23 od 10.02.2023. godine,
10. Zapisnik Policije Brčko distrikta BiH o saslušanju svjedoka B.Z. broj 14.02.1-04.2-14237/23 od 21.02.2023. godine,
11. Službenu zabilješku Policije Brčko distrikta BiH broj 14.01-04.12-7991/23 od 31.01.2023. godine,
12. Službenu zabilješku Policije Brčko distrikta BiH broj 14.01-04.12-8291/23 od 31.01.2023. godine,
13. Službenu zabilješku Policije Brčko distrikta BiH broj 14.01-04.12-8833/23 od 02.02.2023. godine,
14. Zapisnik Policije Brčko distrikta BiH o uviđaju broj 14.02.1-04.2-9699/23 od 31.01.2023. godine,
15. Izvještaj sa fotodokumentacijom Policije Brčko distrikta BiH broj 14.02.6-04.4-9109/23 od 03.02.2023. godine,
16. Naredbu za depozit Policije Brčko distrikta BiH broj 14.02.6-04.4-9116/23 od 03.02.2023. godine,
17. Službenu zabilješku Policije Brčko distrikta BiH broj 14.02.6-04.4-9118/23 od 03.02.2023. godine,
18. Zapisnik Policije Brčko distrikta o saslušanju svjedoka I.Z. broj 14.02-04.2-8398/23 od 01.02.2023. godine,
19. Zapisnik Policije Brčko distrikta o saslušanju svjedoka I.Z.P. broj 14.02-04.2-10882/23 od 09.02.2023. godine,
20. Službenu zabilješku Policije Brčko distrikta BiH broj 14.01-04.12-11494/23 od 10.02.2023. godine,
21. Zapisnik Policije Brčko distrikta BiH o uviđaju broj 14.02.1-04.2-12142/23 od 10.02.2023. godine,
22. Izvještaj Policije Brčko distrikta BiH sa fotodokumentacijom o forenzičkom pregledu lica mjesta broj 14.02.6-04.4-12451/23 od 14.02.2023. godine,
23. Zapisnik o saslušanju svjedoka P.I. broj 14.02.1-04.2-13919/23 od 20.02.2023. godine,
24. Službenu zabilješku o prijemu prijave putem telefona broja 14.09-04.211632/23-38 od 12.02.2023. godine,
25. Službenu zabilješku Policije Brčko distrikta BiH broj 14.01-04.2-11630/23 od 12.02.2023. godine,
26. Zapisnik Policije Brčko distrikta BiH o uviđaju broj 14.02.1-04.2-14179/23 od 12.02.2023. godine,
27. Izvještaj sa fotodokumentacijom Policije Brčko distrikta BiH broj 14.02.6-04.4-13959/23 od 20.02.2023. godine,
28. Naredbu za depozit Policije Brčko distrikta BiH broj 14.02.6-04.4-11967/23 od 13.02.2023. godine,
29. Službenu zabilješku Policije Brčko distrikta BiH broj 14.02.6-04.4-11966/23 od 13.02.2023. godine,
30. Zapisnik Policije Brčko distrikta BiH o saslušanju svjedoka S.V. broj 14.02.1-04.2-13922/23 od 20.03.2023. godine,

31. Službenu zabilješku Policije Brčko distrikta BiH broj 14-09-04.2-13051/23-45 od 16.02.2023. godine,
32. Službenu zabilješku Policije Brčko distrikta BiH broj 14-01-04.2-13083/23 od 16.02.2023. godine,
33. Zapisnik Policije Brčko distrikta BiH o uviđaju broj 14.02.1-04.2-13945/23 od 16.02.2023. godine,
34. Izvještaj Policije Brčko distrikta BiH sa fotodokumentacijom broj 14.02.6-04.4-14611/23 od 22.02.2023. godine,
35. Zapisnik o saslušanju svjedoka S.V. broj 14.02.1-04.2-13922/23 od 20.03.2023. godine,
36. Službenu zabilješku Policije Brčko distrikta BiH broj 14.01-04.12-12912/23 od 15.02.2023. godine,
37. Zapisnik Policije Brčko distrikta BiH o ispitivanju osumnjičenog L.D. broj 14.02.04-2-13462/23 od 17.02.2023. godine,
38. Izvod iz kaznene evidencije za osumnjičenog D.L. broj 14.02-04.2-14390/23 od 21.02.2023. godine Policije Brčko distrikta BiH,
39. Naredbu za vještačenje po vještaku medicinske struke oblas psihijatrija Milanu Purić od 17.03.2023. godine,
40. Nalaz i mišljenje vještaka od 05.07.2023. godine.

Na osnovu člana 230. stav 2. Zakona o krivičnom postupku Brčko distrikta BiH sud je prihvatio izjavu o priznanju krivice optuženog D.L., te dana 19.01.2024. godine održao pretres za izricanje krivično-pravne sankcije.

Tužilac Jovanović Dejana u završnoj riječi predložila je da sud optuženog oglasi krivim i kazni po Zakonu, te da mu izrekne mjeru bezbjednosti – obavezno liječenje od zavisnosti koja će se izvršiti u medicinskoj ustanovi i trajati dok ne prestanu razlozi zbog kojih je određena, a najduže do isteka izdržavanja kazne zatvora ili izvršenja rada za opšte dobro na slobodi ili do isteka vremena provjeravanja uz uslovnu osudu, jer je krivično djelo učinjeno pod odlučujućim djelovanjem zavisnosti od alkohola, a postoji opasnost da će zbog te zavisnosti i ubuduće činiti krivična djela.

Optuženi D.L. je izjavio je da veoma često i mnogo konzumira alkohol, kao i da bi mu odgovaralo liječenje.

Svestrano cijeneći sve provedene dokaze pojedinačno kao i u njihovoj uzajamnoj vezi, te uzimajući u obzir priznanje optuženog, sud je utvrdio da je optuženi D.L. počinio produženo krivično djelo – Teška krađa – iz člana 281. stav 3. u vezi sa članom 55. Krivičnog zakona Brčko distrikta BiH.

Radnjama optuženog u potpunosti su ostvarena bitna obilježja bića produženog krivičnog djela - Teška krađa – iz člana 281. stav 3. u vezi sa članom 55. Krivičnog zakona Brčko distrikta BiH.

Sud je bez sumnje utvrdio krivicu optuženog.

U vrijeme izvršenja krivičnog djela optuženi je bio u stanju bitno smanjene računljivosti, odnosno njegova sposobnost da shvati značaj svog djela, kao i da upravlja svojim postupcima bila je bitno smanjena, zbog uticaja alkohola, te je nesumnjivo utvrđeno da je zbog navedenih okolnosti kod

optuženog postojala bitno smanjena sposobnost da upravlja svojim postupcima, a motiv za izvršenje krivičnog djela bio je pronalazak alkohola od kojeg je zavisan.

Prilikom odluke o vrsti i visini krivične sankcije, sud je optuženom cijenio sve okolnosti koje u smislu člana 49. Krivičnog zakona Brčko distrikta BiH utiču da kazna bude manja ili veća.

Tako je kao olakšavajuće okolnosti sud cijenio da je optuženi u ranoj fazi krivičnog postupka priznao izvršenje krivičnog djela, a krivično djelo je počinio u stanju bitno smanjene uračunljivosti.

Isto tako, kao olakšavajuće okolnosti sud je cijenio da je optuženi lošeg imovnog stanja, te da živi u porodičnoj zajednici sa majkom koja ga izdržava, a star je 48 godina.

Kao otežavajuću okolnost sud je cijenio raniju osuđivanost optuženog.

Imajući u vidu sve pomenute olakšavajuće okolnosti, te cijeneći konkretnu težinu i društvenu opasnost krivičnog djela koje je optuženi počinio, sud je smatrao da nije nužno radi krivično pravne zaštite i ostvarenja svrhe krivično pravnih sankcija, optuženom izreći kaznu, već da se sa osnovom može očekivati da će upozorenje uz prijetnju kaznom dovoljno uticati na optuženog da više ne vrši krivična djela.

Pored navedenog, sud je uz uslovnu osudu optuženom izrekao i mjeru bezbjednosti obaveznog liječenja od zavisnosti, kojoj se optuženi obavezan podvrgnuti i to u roku od 3 godine koliko mu je izrečenom uslovnom osudom utvrđen rok provjeravanja.

Zbog svega navedenog, sud je optuženom za produženo krivično djelo – Teška krađa – iz člana 281. stav 3. u vezi sa članom 55. Krivičnog zakona Brčko distrikta BiH izrekao uslovnu osudu kojom mu je utvrđena kazna zatvora u trajanju od 3 (tri) mjeseca, koja se neće izvršiti ukoliko optuženi u roku od 3 (tri) godine ne počinu drugo krivično djelo i podvrgne se obaveznom liječenju od zavisnosti, smatrajući da će se izrečenom osudom u cijelosti postići svrha kažnjavanja propisana članom 42. Krivičnog zakona Brčko distrikta BiH.

Na osnovu člana 75. stav 1. Krivičnog zakona Brčko distrikta Bosne i Hercegovine, sud je optuženom izrekao mjeru bezbjednosti obaveznog liječenja od zavisnosti, jer je krivično djelo počinio pod odlučujućim djelovanjem zavisnosti od alkohola, a postoji opasnost da će zbog te zavisnosti i ubuduće činiti krivična djela.

Izrečena mjera bezbjednosti trajaće dok ne prestanu razlozi zbog kojih je određena, a najduže do isteka vremena provjeravanja uz uslovnu osudu, odnosno tri godine, a provešće se u Centru za mentalno zdravlje Brčko.

Na osnovu člana 188. stav 4. Zakona o krivičnom postupku Brčko distrikta BiH sud je optuženog oslobodio plaćanja troškova krivičnog postupka, jer bi njihovim plaćanjem bilo dovedeno u pitanje njegovo izdržavanje.

Oštećeni: F.R., Z.I., I.M. i S.Z., na osnovu člana 198. stav 1. Zakona o krivičnom postupku Brčko distrikta BiH, su sa imovinsko-pravnim zahtjevom upućeni na parnicu.

Zapisničar,
Niketić Milica

Sudija
EVIĆ SANJA

PRAVNA POUKA:

Protiv ove Presude može se izjaviti žalba
Apelacionom sudu Brčko distrikta BiH, u roku od
15 dana od dana prijema, a putem ovog suda.